

古

謠

諺

古謠諺卷八

秀水杜文瀾輯

宣帝讌歌

晉書宣帝紀魏景初二年帥牛金胡遵等步騎  
四萬發自京都車駕送出西明門詔弟子子師  
送過溫賜以穀帛牛酒勅郡守典農以下皆往  
會焉見父老故舊讌飲累日帝歎息悵然有感  
爲歌曰

天地開闢日月重光遭遇際會畢力遐方將埽羣穢還

過故鄉肅清萬里總齊八荒告成歸老待罪舞陽

御覽卷五

百七十引晉陽秋遭遇作今遭畢力作奉辭群作逋總作摠

### 魏正始中民謠

晉書宣帝紀魏正始八年夏四月曹爽用何晏  
鄧颺丁謚之謀遷太后於永寧宮專擅朝政兄  
弟竝典禁兵多樹親黨屢改制度帝不能禁於  
是與爽有隙五月帝稱疾不與政事時人爲之

### 謠曰

何鄧丁亂京城

愍帝末童謠

晉書愍帝紀建興四年八月劉曜逼京師十一月乙未使侍中宋敞送牋于曜帝乘羊車肉袒銜璧輿櫬出降初有童謠曰

云時王浚在幽

州以豆有藿殺隱士霍原以應之及帝如曜營

營實在城東豆田壁

霍原傳後王浚稱制謀僭使人問之原不荅浚心銜

之又有遼東囚徒三百餘人依山爲賊意欲劫原爲主時有謠曰云云浚以豆爲藿收原斬之

天子何在豆田中

霍原傳及水經注聖水篇御覽卷八百四十一引王隱晉書均作天子在

何許近在

豆田中

古謠諺

卷八

曼陀羅華閣

太安之際童謠

晉書元帝紀太安之際童謠云

云

及永嘉中

歲癸惑太白聚斗牛之間識者以爲吳越之地  
當興王者是歲王室淪覆帝與西陽汝南南頓  
彭城五王獲濟而帝竟登大位焉

五馬浮渡江一馬化爲龍

宋書符瑞  
志浮作游

太康中晉世甯舞歌

晉書五行志上

按此志所載歌謠與宋書五行  
志大略相同考沈約宋書成於

房元齡晉書之前今依史書次第先錄晉志而  
附注宋志異同於各條下然唐修晉書實採前

此十八家晉書作者多在沈約之前則晉志固宋志所本也太康中天下爲

晉世寧之舞手接杯盤而反覆之歌曰云識

者曰夫樂生人心所以觀事也今接杯盤於手上而反覆之至危之事也杯盤者酒食之器而名曰晉世寧言晉世之士苟偷於酒食之間而知不及遠晉世之寧猶杯盤之在手也

晉世寧舞杯盤

南齊書樂志云其第一解首句云晉世寧宋改爲宋世寧齊改爲齊世昌

魏太和中堯鈴曹子歌

晉書五行志中魏明帝太和中京師歌堯鈴曹

子其唱曰

云

云此詩妖也其後曹爽見誅曹氏

遂廢

其奈汝曹何

景初初童謠

晉書五行志中景初初童謠曰

云

云及宣帝遼

東歸至白屋當還鎮長安會帝疾篤急召之乃  
乘追鋒車東渡河終如童謠之言

阿公阿公駕馬車不意阿公東渡河阿公來還當奈何

宋志來還  
作東還

吳永安中南郡兒語

晉書五行志中孫休永安三年將守質子羣聚

嬉戲有異小兒忽來言曰

云

又曰我非人熒

惑星也言畢上昇仰視若曳一匹練有頃沒于  
寶曰後四年而蜀亡六年而魏廢二十一年而  
吳平於是九服歸晉魏與吳蜀並戰國三公鋤  
司馬如之謂也

三公鋤司馬如

按宋書五行志引此條全同三國志孫皓傳注引搜



神記文亦同一志皆言干寶卽採搜神記之文也

吳天紀中童謠

晉書五行志中孫皓天紀中童謠曰

云

武帝

聞之加王濬龍驤將軍及征吳江西衆軍無過

者而王濬先定秣陵

羊祜傳初祜以伐吳必藉上流之勢又時吳有童謠

曰云云祜聞之曰此必水軍有功但當思應其名者耳會益州刺史王濬徵爲大司農祜知其可任濬又小字阿童因表留濬監益州諸軍事加龍驤將軍密令修舟楫爲順流之計祜卒二歲而吳平

阿童復阿童

白帖卷五十無復字

銜刀游渡江

羊祜傳白帖御覽卷二百三十九引

羊祜別傳游作浮楊氏不畏岸上獸宋志白帖御覽  
慎古音餘卷二游作橫獸作虎按唐  
人修晉書避太祖諱但畏水中龍  
改虎爲獸他條仿此

平吳後江南童謠三則

晉書五行志中武帝太康三年平吳後江南童

謠曰

云

又曰

云

又曰

云

云

于時

吳人

皆謂

在

孫氏

子孫

故竊發爲亂者相繼按橫目者四

字自吳亡至元帝興幾四十年元帝興於江東

皆如童謠之言焉元帝懦而少斷局縮肉者有

所斥也

宋志作直斥之也干寶云不知所斥諱之也

局縮肉數橫目中國當敗吳當復

宮門柱且當朽

宋志當作莫

吳當復在三十年後

雞鳴不拊翼吳復不用力

永熙中童謠

晉書五行志中惠帝永熙中又有童謠曰

云

云

此時楊駿專權楚王用事故言荆筆楊板二人

不誅則君臣禮悖故云幾作驢也

二月末三月初

御覽卷六百六引王隱晉書末作盡

桑生裴雷柳葉舒

此句

原本無據御覽補

荆筆楊板行詔書

宋志板作版

宮中大馬幾作驢

御覽馬上  
有司字

元康中京洛童謠二則

晉書五行志中元康中京洛童謠

潛確類書卷六引王隱晉

書作惠帝咸寧十年洛中謠

按元康係惠帝

年號童謠正言惠帝時事若咸寧乃武帝年號

且止有六年潛確

曰云

又曰云

南風賈后

類書所引有誤

字也白晉行也沙門太子小名也魯賈謚國也

言賈后將與謚爲亂以危太子而趙王因鸞咀

嚼豪賢以成篡奪不得其死之應也

宋志作是時愍懷頗

失衆望卒以廢黜不得其死

南風起吹白沙

賈后傳及潛確類書陸氏龜蒙小名錄卷上起作烈烈白作黃

起下有兮字

遙望魯國何嵯峨

賈后傳愍懷太子傳潛確類書何並作鬱

白亦作黃

千歲髑髏生齒牙

小名錄生作上賈后傳潛確類書此句作前

魯國鬱鬼嶽

城東馬子莫嚨嚨

愍懷太子傳城東作東宮嚨嚨作聾空

比至來年纏女

髮

愍懷太子傳比作前來年作臘月宋志來年作三月女髮作汝髮

又元康中童謠

晉書五行志中元康中天下商農通著大鄣日

時童謠曰

云

及趙王倫篡位其目實眇焉

云

屠蘇郭日覆兩耳當見瞎兒作天子

御覽卷六百八十七引晉八王故事

見作有 執林伐山卷九周王褒詩飛蠹雕翡翠繡桷  
畫屠蘇屠蘇本草名畫於屋上因草以名屋杜詩云願  
隨金駿裏走置錦屠蘇此屠蘇屋名也後人又借屋名  
以名酒元日屠蘇酒是也又大帽形類屋亦名屠蘇南  
史謠云屠蘇障日覆兩耳  
按南史無此謠蓋晉書之誤

### 趙王倫篡時洛中童謠

晉書五行志中趙王倫既篡洛中童謠曰

云云

數月而齊王成都河間義兵同會誅倫案成都  
西藩而在鄴故曰獸從北來齊東藩而在許故  
曰龍從南來河間水源而在關中故曰水從西

來齊留輔政居于宮西又有無君之一本無心

故言登城看也

獸從北來鼻頭汗

宋志獸作虎

龍從南來登城看水從西來

河灌灌

宋志河作何

司馬越還洛時童謠

晉書五行志中司馬越還洛有童謠曰

洛中大鼠長尺二若不早去大狗至

宋志早作蚤

苟晞將破汲桑時謠

晉書五行志中及苟晞將破汲桑又謠曰

云

云

由是越惡晞奪其兗州隙難遂構焉

元超兄弟大落

一本落作洛

度上桑打樁爲苟作

建興中江南謠歌

晉書五行志中建興中江南謠歌曰

云

案白

者晉行坑器有口屬食瓦食質剛亦金之類也

訇如白坑破者言二都傾覆王室大壞也合集

持作甌者元帝鳩集遺餘以主社稷未能剋復

中原但偏王江南故其論也

宋志論作喻小

及石頭之

事六軍大潰兵人抄掠京邑爰及二宮其後三



年錢鳳復攻京邑阻水而守相持月餘日焚燒  
城邑井陘木刊矣鳳等敗退沈充將其黨還吳  
興官軍踵之蹈籍郡縣充父子授首黨與誅者  
以百數所謂揚州破換敗吳興覆甌甌甌瓦  
器又小於甌也

訇如白坑破合集持作甌揚州破換敗吳興覆甌甌  
太甯初童謠

晉書五行志中明帝太甯初童謠曰

云

及明

云

帝崩成帝幼爲蘇峻所逼遷於石頭御膳不足

此大馬死小馬餓也高山峻也又言峻尋死石峻弟蘇碩也峻死後碩據石頭尋爲諸公所破

復是崩山石破之應也

世說新語方正篇下注引靈鬼志謠徵曰明帝

初有謠曰高山崩石自破高山峻也碩峻弟也後諸公誅峻碩閉據石頭潰散而逃追斬之容止篇注引晉陽秋曰蘇峻自姑孰至於石頭逼遷天子峻以倉屋爲宮使人守衛靈鬼志謠徵曰明帝末有謠歌云云後峻遷帝於石頭御膳不具

惻惻力力放馬山側大馬死小馬餓高山崩石自破

世說

新語容止篇注引晉陽秋山上有出字楊氏慎古音複字卷五放作牧

成帝末童謠

晉書五行志中成帝之末又有童謠曰云少

日而宮車晏駕

磕磕何隆隆駕車入梓宮

咸康初河北謠

晉書五行志中咸康二年十二月河北謠云云

云後如謠言

麥入土殺石武

宋志武作虎御覽卷八百三十八引  
晉起居注入作如武作虎按改虎為

武亦唐人  
避太祖諱

石頭民為庾亮歌二則

晉書五行志中庾亮初鎮武昌出至石頭百姓

於岸上歌曰

云

又曰

云

後連徵不入及薨

於鎮以喪還都葬皆如謠言

庾公上武昌翩翩如飛鳥庾公還揚州白馬牽旒旒

庾公初上時翩翩如飛鳥庾公還揚州白馬牽流蘇

世說

新語傷逝篇注引靈鬼志  
謠徵鳥作鷄流蘇作旒車

### 阿子歌

晉書五行志中穆帝升平中童兒輩忽歌於道

曰

云

曲終輒云

云

無幾而帝崩太后哭之

曰阿子汝聞不

阿子聞 阿子汝聞不

升平末廉歌

晉書五行志中升平末俗間忽作廉歌有扈謙

者聞之曰廉者臨也歌云

云

云內外悉臨國家

其大諱乎少時而穆帝晏駕

白門廉宮庭廉

隆和初童謠二則

晉書五行志中哀帝隆和初童謠曰

云

云朝廷

聞而惡之改年曰興寧人復歌曰云哀帝尋

崩升平五年而穆帝崩不滿斗升平不至十年

也

升平不滿斗隆和那得久桓公入石頭陛下徒跣走魏書

司馬衍傳無桓公以下二句

雖復改興寧亦復無聊生

太和末童謠

晉書五行志中太和末童謠曰云及海西公

被廢宋書被廢下有處吳二字百姓耕其門以種小麥遂如

謠言

犁牛耕御路白門種小麥

荊州百姓歌二則

晉書五行志中桓石民爲荊州鎮上明百姓忽

歌曰

云

又曰

云

頃之而桓石民死王忱爲

荊州黃曇子乃是王忱字也忱小字佛大是大

佛來上明也

黃曇子曲中

宋志曲中作曲終是也

黃曇英揚州大佛來上明

太元末京口謠

晉書五行志中孝武帝太元末京口謠

云

尋

而王恭起兵誅王國寶旋爲劉牢之所敗故言

拉颯栖也會稽王道子於東府造土山名曰靈

秀山無幾而孫恩作亂再踐會稽會稽道子所

封靈秀孫

一本無孫字

恩之字也

黃雌雞莫作雄父啼一旦去毛衣衣被拉颯栖

厯陽百姓歌

晉書五行志中庾楷鎮厯陽百姓歌曰

云

後



楷南奔桓元爲元所誅

重羅黎重羅黎

朱志兩黎字皆作犁

使君南上無還時

荊州童謠

晉書五行志中殷仲堪在荊州童謠曰

云

未

幾而仲堪敗桓元遂有荊州

芒籠目繩縛腹殷當敗桓當復

京口民謠

晉書五行志中王恭鎮京口舉兵誅王國寶百

姓謠曰

云

云

識者曰昔年食白飯言得志也今

年食麥麤麤粗穢其精已去明將敗也天公將  
加譴謫而誅之也捻嚨喉氣不通死之祥也敗  
復敗丁寧之辭也恭尋死京都又大行欬疾而  
喉並喝焉

昔年食白飯今年食麥麤天公誅譴汝教汝捻嚨喉嚨  
喉喝復喝京口敗復敗

又京口民謠

晉書五行志中王恭在京口百姓間忽云

云

云

又云

云

黃字上恭字頭也小人恭字下也尋

如謠言者焉

黃頭小兒欲作賊

宋志小兒作小人 按說文恭从心共聲黃从田从艹古文光此言黃

頭小兒者就隸體分析也

阿公在城下指縛得

黃頭小人欲作亂賴得金刀作藩扞

懊懣歌

宋志懣作惱

晉書五行志中安帝隆安中百姓忽作懊懣之

歌其曲曰

云

尋而桓元篡位義旗以三月二

日埽定京都誅之元之宮女及逆黨之家子女

妓妾悉爲軍賞東及歐越北流淮泗皆人有所

獲故言時則草可結事則女可擷也

草生可攬結女兒可攬擷

舊唐書音樂志二草生作春草宋志擷作抱

桓元時童謠

晉書五行志中桓元旣篡童謠曰

云

及元敗

走至江陵時正五月中誅如其期焉

草生及馬腹烏啄桓元目

義熙初童謠

晉書五行志中安帝義熙初童謠曰

云

其時

官養盧龍寵以金紫奉以名州養之極也而龍

不能懷我好音舉兵內伐遂成讐敵也蘆生不

止自成積及盧龍之敗斬伐其黨猶如草木以

成積也

宋志云及盧龍作亂時人追思童謠惡其有成積之言識者曰芟夷蘊崇之又

行火焉是艸之窮也伐斫以成積又以爲薪亦蘆荻之終也其盛既極亦將芟夷而爲積焉龍既窮其兵勢盛其舟艦卒以滅亡僵屍如積焉

官家養蘆化成荻蘆生不止自成積

御覽卷一千引晉中興書徵祥說化

成作花作注云荻猶敵也

### 廣州人謠

晉書五行志中盧龍據廣州人爲之謠曰

云

云

後擁上流數州之地內逼京輦應天半之言

蘆生漫漫竟天半

義熙初小兒語

晉書五行志中義熙二年小兒相逢於道輒舉

其兩手曰

云

次日

云

末曰

云

當時莫知

所謂其後盧龍內逼舟艦蓋川犍犍之謂也既

至查浦屢剋期欲與官鬪鬪歎之應也昔溫嶠

令郭景純卜已與庾亮吉凶景純云元吉嶠語

亮曰景純每筮是不敢盡言吾等與國家同安

危而曰元吉是事有成也於是協同討滅王敦  
按今本自昔溫嶠句至此錯簡另爲一條茲據宋志釐正翁年老羣公有期  
頤之慶知妖逆之徒自然消殄也

盧健健 鬪歎鬪歎 翁年老翁年老

又義熙初謠

晉書五行志中其時復有謠言曰云盧龍果

敗不得入石頭也

盧橙橙逐水流東風忽如起那得入石頭

苻堅初童謠

晉書五行志中苻堅初童謠云

云

及堅在位

凡三十年敗於淝水是其應也

阿堅連羣三十年後若欲敗時當在江湖邊

苻堅載記後若作若

後無時字江湖  
邊作江淮間

苻堅時新城謠

晉書五行志中又謠語云

云

及堅爲姚萇所

殺死於新城

河水清復清苻堅死新城

苻堅載記  
堅作詔

苻堅時魚羊謠



晉書五行志中復謠歌云

云

云

識者以爲魚羊

鮮也田斗卑也堅自號秦言滅之者鮮卑也其羣臣諫堅令盡誅鮮卑堅不從及淮南敗還初爲慕容沖所攻又爲姚萇所殺身死國滅

魚羊田斗當滅秦

按說文卑从十甲聲此言田斗者就隸體分析也

時人爲王祥歌

晉書王祥傳琅邪臨沂人隱居三十餘年不應州郡之命徐州刺史呂虔檄爲別駕祥乃應召虔委以州事于時寇盜充斥祥率勵兵士頻討

破之州界清靜政化大行時人歌之曰

海沂之康實賴王祥邦國不空別駕之功

白帖卷七十  
七別駕作王

時人爲石苞語

晉書石苞傳石苞字仲容渤海南皮人也雅曠  
有智局容儀偉麗不修小節故時人爲之語曰

石仲容姣無雙

潛確類書卷八  
十三姣作美

時人爲歐陽建語

晉書歐陽建傳字堅石世爲冀方右族雅有理

思才藻美瞻擅名北州時人爲之語曰

渤海赫赫歐陽堅石

時人爲羊祜語

晉書羊祜傳從甥王衍嘗詣祜陳事辭甚俊辯  
祜不然之衍拂衣而起祜顧謂賓客曰王夷甫  
方以盛名處大位然敗俗傷化必此人也步闢  
之役祜以軍法將斬王戎故戎衍並憾之每言  
論多毀祜時人爲之語曰

世說新語雅量篇注  
引漢晉春秋作天下

爲之

語

二王當國羊公無德

世說新語注作二王當朝世人莫敢稱羊公之德

杜預軍中謠

晉書杜預傳拜鎮南大將軍都督荊州諸軍事  
預以太康元年正月陳兵于江陵又遣牙門管  
定周旨伍巢等率奇兵八百泛舟夜渡以襲樂  
鄉多張旗幟起火巴山出於要害之地以奪賊  
心吳都督孫歆震恐與伍延書曰北來諸軍乃  
飛渡江也旨巢等伏兵樂鄉城外歆遣軍出距  
王濬大敗而還旨等發伏兵隨歆軍而入歆不

覺直至帳下虜歆而還故軍中爲之謠曰  
以計代戰一當萬

南土爲杜預歌

晉書杜預傳預旣還鎮勤於講武攻破山夷錯  
置屯營分據要害之地又修邵信臣遺蹟用渰  
涓諸水以浸原田萬餘頃衆庶賴之號曰杜父  
預乃開楊口起夏水達巴陵千餘里內瀉長江  
之水外通零桂之漕南土歌之曰

後世無叛由杜翁

御覽卷三百三十引晉書世作代孰識智名與勇功

御覽卷四百六十五  
引王隱晉書識作爭

時人爲裴秀語

晉書裴秀傳秀少好學有風操年十餘歲叔父  
徽有盛名賓客甚衆有詣徽者出則過秀時人

爲之語曰

世說新語賞  
譽篇引作諺

後進領袖有裴秀

世說新語  
進作來

時人爲衛玠語

晉書衛玠傳好言元理琅邪王澄有高名少所  
推服每聞玠言輒歎息絕倒故時人爲之語曰

世說新說賞譽篇注引玠別傳曰玠少有名理  
 善通莊老琅琊王平子高氣不羣邁世獨傲每  
 聞玠之相議至於理會之間要妙之際輒絕  
 倒於坐前後三問為之三倒時人遂曰云云  
 衛玠談道平子絕倒世說新語玠作君絕作三御覽  
 乃王濟之字非王澄之字御覽誤

幽州民為棗嵩謠

晉書王浚傳字彭祖尋徙寧朔將軍持節都督  
 幽州諸軍事浚自領尚書令以棗嵩裴憲并為  
 尚書時童謠曰云 棗嵩浚之子壻也浚聞責  
 嵩而不能罪之也

十囊五囊入棗郎

幽州民爲王浚謠

晉書王浚傳又謠曰

云

浚之承制也參伍皆

內敘唯司馬游統外出統怨密與石勒通謀勒  
乃詐降於浚許奉浚爲主勒至城便縱兵大掠  
浚左右復請討之不許及勒登聽事浚乃走出  
堂皇勒衆執以見勒勒遣五百騎先送浚于襄  
國勒至襄國斬浚而浚竟不爲之屈大罵而死

幽州城門似藏戶中有伏尸王彭祖

御覽卷五百四十  
九引王隱晉書尸



屍作

京都爲荀闔語

晉書荀闔傳字道明亦有名稱京都一作爲之

語曰

洛中英英荀道明

魏泰始中謠

晉書賈充傳後爲文帝大將軍司馬轉右長史  
帝甚幸重充與裴秀王沈羊祜荀勗同受腹心  
之任泰始中人爲充等謠曰

云言亡魏而成

晉也

賈裴王亂紀綱王裴賈濟天下

襄陽童兒爲山簡歌

晉書山簡傳永嘉三年出爲征南將軍都督荆  
襄交廣四州諸軍事假節鎮襄陽于時四方寇  
亂朝野危懼簡優游卒歲唯酒是耽諸習氏荆  
土豪族有佳園池簡每出遊嬉多之池上置酒  
輒醉名之曰高陽池時有童兒歌曰云

疆家

在并州簡愛將也

世說新語任誕篇注引襄陽  
記曰漢侍中習郁於峴山南

作魚池是游讌名處也山簡每臨此池未嘗不  
大醉而返曰此是我高陽池也高陽小兒歌之

山公出何許

世說新語白帖卷十五御覽卷五百七十

注引襄陽記

出何許作時一醉御覽卷一百六十八

引晉書

作何所詣卷四百九十七引襄陽耆舊記作何

處去

水經注沔水篇御覽卷四往至高陽池世說御

百六十五

引襄陽耆舊傳許作去往至高陽池世說御

百四十五

引典論山公蘇詩注引襄陽記往至日夕倒

作徑造

御覽卷五百七十引晉書作遙造

載歸

世說白帖水經注御覽卷一百六十八卷五百七

襄陽記

夕作暮御覽卷八

百四十五

引典論倒作醉

陽記

酩酊作茗芋義府卷下酩酊二字古所無世說

茗芋

無所知蓋借用字今俗云惜懂卽茗芋之轉也又

列子

眠姪誣諉張堪注眠姪不開時時能騎馬世說作

通貌

詳注義則眠姪當卽讀茗芋時時能騎馬復能乘

駿馬御覽卷八百四十五引典論作時復乘駿倒著白

馬御覽卷五百七十引晉書下時字作復

接羅安御覽卷八百四十五引典論倒作醉白帖著作

江東取白鷺翰毛為舉鞭向葛疆世說御覽卷八百四

之名之曰白鷺縗十五引典論鞭作手

三魏為劉毅語

晉書劉毅傳東萊掖人漢陽城一本作城陽

章進封城陽王一本是也景王章之後僑居平陽太守杜恕

請為功曹沙汰郡吏百餘人三魏稱焉為之語

一作曰  
詔

但聞劉功曹不聞杜府君

孫尹引諺

晉書劉毅傳後司徒舉毅爲青州大中正尙書  
以毅懸車致仕不宜勞以碎務陳留相樂安孫  
尹表曰毅前爲司隸直法不撓當朝之臣多所

按劾諺曰

云

直臣無黨古今所悉

受堯之誅不能稱堯

時人爲崔洪語

晉書崔洪傳字良伯博陵安平人也武帝世爲  
御史治書時長樂馮恢父爲宏農太守愛少子  
淑欲以爵傳之恢父終服闋乃還鄉里結草爲  
廬陽瘖不能言淑得襲爵恢始仕爲博士祭酒  
散騎常侍翟嬰薦恢高行邁俗侔繼古烈洪奏  
恢不敦儒素雖有讓侯微善不得稱無倫輩嬰  
爲浮華之目遂免嬰官朝廷憚之尋爲尙書左  
丞時人爲之語曰

叢生荆

一作刺

御覽卷九百五十九叢作藂卷九百二

棘

十六卷九百五十九刺作棘

御覽卷

古謠諺

卷八

曼陀羅華閣

九百五十六廣博物志卷十六荆作棘  
潛確類書卷五十二荆刺作棘荆

來自博陵在南

爲鶴在北爲鷹

廣陵人爲劉氏語

晉書劉頌傳字子雅廣陵人漢廣陵厲王胥之後也世爲名族同郡有雷蔣穀魯四姓皆出其下時人爲之語曰

雷蔣穀魯劉最爲祖

時人爲謝鯤語

晉書謝鯤傳字幼輿陳國陽夏人也鄰家高氏

女有美色鯢嘗挑之女投梭折其兩齒時人爲

之語

世說新語品藻篇注引

曰云

鯢聞之傲

然長嘯曰猶不廢我嘯歌

任達不已幼輿折齒

陽平人爲束皙歌

晉書束皙傳陽平元城人太康中郡界大旱皙

爲邑人請雨三日而雨注衆謂皙誠感爲作歌

曰

束先生通神明請天三日甘雨零

御覽卷四百六十五  
廣博物志卷三引晉



書零下仍我黍以育御覽卷十一引王我稷以生御覽  
有零字隱晉書育作萌百六十五廣博物何以疇之御覽廣博物志報束長生  
志引晉書生作成引晉書疇作醕御覽卷十一引王  
隱晉書長作先

或人引諺問華譚

晉書華譚傳或問譚曰諺言

云

甯有此理乎

譚對曰昔許由巢父讓天子之貴市道小人爭  
半錢之利此之相去何啻九牛毛也聞者稱善  
人之相去如九牛毛

陳留人爲江統語

晉書江統傳字應元陳留圉人也靜默有遠志

時人爲之語曰

嶷然稀言江應元

御覽卷四百九十六引  
文士傳嶷作巖稀作希

蜀人爲羅尙言

晉書羅尙傳太康末爲梁州刺史及趙廋反于

蜀尙表曰廋非雄才必無所成計日聽其賤耳

乃假尙節爲平西將軍益州刺史西戎校尉性

貪少斷蜀人言曰

云

又曰

云

云

時李特亦起

於蜀攻蜀殺趙廋又攻尙於成都尙退保江陽

尚之所愛非邪則佞尚之所憎非忠則正富擬魯衛家  
成市里貪如豺狼無復極已

蜀賊尚可

李特載記蜀賊作李特

羅尚殺我平西將軍反更爲禍

趙王倫僭位時民諺

晉書趙王倫傳乃僭卽帝位孫秀爲侍中中書

監驃騎將軍儀同三司張林等諸黨皆登卿將

並列大封其餘同謀者咸超階越次不可勝紀

至於奴卒厮役亦加以爵位每朝會貂蟬盈坐

時人爲之諺

白帖卷四十曰云

二引作語金銀冶鑄不

給於印故有白版之侯君子恥服其章百姓亦知其不終矣

貂不足狗尾續

齊王問盛時民謠

晉書齊王問傳初問之盛也有一婦人詣大司馬府求寄產吏詰之婦人曰我截齊便去耳識者聞而惡之時又謠曰

云

俄而問誅

著布袍腹爲齊持服

長沙王又執權時洛下謠

晉書長沙王又傳初又執權之始洛下謠曰

云

云 又以正月二十五日廢二十七日死如謠言

焉

草木萌芽殺長沙

拜經樓詩  
話牙作芽

京都爲二劉語

晉書劉琨傳字越石中山魏昌人兄與傳字慶

孫儁朗有才局與琨並尙書郭奕之甥名著當

時京都爲之語曰

洛中弈弈慶孫越石

豫州耆老爲祖逖歌

晉書祖逖傳帝乃以逖爲奮威將軍豫州刺史  
逖愛人下士雖疎交賤隸皆恩禮遇之由是黃  
河以南盡爲晉土躬自儉約勸督農桑剋己務  
施不畜資產子弟耕耘負擔樵薪又收葬枯骨  
爲之祭醊百姓感悅嘗置酒大會耆老中坐流  
涕曰吾等老矣更得父母死將何恨乃歌曰云  
云其得人心如此

幸哉遺黎免俘虜

御覽卷一百五十八引祖逖別傳黎作民俘虜作豺虎

三辰旣

朗遇慈父元酒忘勞甘瓠脯

御覽忘勞作清醪

何以詠恩歌且

舞

御覽何以作亦何廣博物志卷十七恩作思

時人爲王珉王珣語

晉書王珣傳字元琳法護珣小字也弟珉傳字

季琰少有才藝善行書名出珣右時人爲之語

曰

云

僧彌珉小字也

法護非不佳僧彌難爲兄

陸氏龜蒙小名錄卷一作僧珍難爲兄法護難爲弟又云

珉小字僧珍

按珍字草書形似彌而致誤自帖卷

十九佳作嘉

御覽卷五百一十六引續晉陽秋僧作

阿

桓溫府中爲郗超王珣語

晉書郗超傳桓溫辟爲征西大將軍掾溫遷大司馬又轉爲參軍溫英氣高邁罕有所推與超言常謂不能測遂傾意禮待超亦深自結納時王珣爲溫主簿亦爲溫所重府中語曰云超云超

髡參軍短主簿能令公喜能令公怒

荊州三郡民爲應詹歌

晉書應詹傳王澄爲荊州假詹督南平天門武



陵三郡軍事天門武陵谿蠻並反詹討降之時  
政令不一諸蠻怨望並謀背叛詹召蠻酋破銅  
券與盟由是懷詹數郡無虞其後天下大亂詹  
境獨全百姓歌之曰

亂離既普

御覽卷四百六十五引王隱晉書普作著

殆爲灰朽

御覽卷五百七十引晉書

殆作始

僥倖之運賴茲應后歲寒不凋孤境獨守拯我塗

炭

御覽卷四百六十五拯作蔭

惠隆邱阜潤同江海恩猶父母

濟陰人爲卞氏語

晉書卞壺傳父粹以清辯鑒察稱兄弟六人並

登宰府世稱

云

元仁粹字也

卞氏六龍元仁無雙

苻堅國中民謠

晉書桓豁傳初豁聞苻堅國中有謠云

云

有

子二十人皆以石爲名以應之唯石虔石秀石

民石生石綏石康知名

按謝石傳字石奴初拜祕書郎累遷尚書僕射

淮肥之役詔石解僕射以將軍假節征討大都

督與兄子元琰破苻堅先是童謠云云云故桓

豁皆以石名子以邀功焉堅之敗也雖功始卒

之而成于元琰然石時實爲都督焉此謠蓋應

彼也

誰謂爾堅石打碎

白帖卷二十三無爾字 御覽卷三百六十二謂作為碎作破

時人為謝安郗超王坦之語

晉書王坦之傳字文度弱冠與郗超俱有重名

時人為之語

世說新語賞譽篇作諺 曰云

嘉賓超小字

也

大才槃槃謝家安

此句原本無今據世說新語賞譽篇注引續晉陽秋及小名錄卷上補

盛德絕倫郗嘉賓

世說作後來出人郗嘉賓注及小名錄絕倫作日新江東獨步

王文度

世說江東作揚州注王文度句在郗嘉賓句上

時人為劉氏昆弟語

晉書劉惔傳祖宏字終嘏光祿勳宏兄粹字純嘏侍中宏弟演字冲嘏吏部尙書並有名中朝時人語曰

洛中雅雅有三嘏

時人爲蔡謨語

晉書蔡謨傳性尤篤慎每事必爲過防故時人云

蔡公過浮航脫帶腰舟

合璧事類續集卷二十舟下有長字按本傳下文有長子邵

永嘉太守少子系有才學文義之語謝氏誤讀長爲平聲故誤屬上句耳

古謠諺

卷八

曼陀羅華閣

時人爲蔡荀諸葛三姓語

晉書諸葛恢傳字道明琅邪陽都人也于時潁川荀闔字道明陳留蔡謨字道明與恢俱有名譽號曰中興三明人爲之語曰

京都三明各有名

潛確類書卷五十二引世說京都作東京按晉時無東京之名所引有

誤蔡氏儒雅荀葛清

御覽卷四百六十五引晉書葛下有廉字

何穆引鄙語

晉書劉牢之傳元興初朝廷將討桓元以牢之爲前鋒都督征西將軍領江州事元顯遣使以

討元事諮牢之牢之以元少有雄名杖全楚之  
衆懼不能制又慮平元之後功蓋天下必不爲  
元顯所容深懷疑貳不得已率北府文武屯洌  
洲桓元遣何穆說牢之曰鄙語有之云故文  
種誅於勾踐韓白戮於秦漢彼皆英雄霸王之  
主猶不敢信其功臣况凶愚凡庸之流乎

高鳥盡良弓藏狡兔殫獵犬烹

按史記淮陰侯傳云狡兔死走狗烹飛鳥盡良弓藏  
敵國破謀臣亡與此略同而不明引鄙語故置彼錄

此

京師爲張軌歌

晉書張軌傳出爲護羌校尉涼州刺史遂霸河西永嘉初會東羌校尉韓稚殺秦州刺史張輔軌遺稚書稚得書而降遣主簿令狐亞聘南陽王模模甚悅遺軌以所賜劔謂軌曰自隴以西征伐斷割悉以相委如此劔矣俄而王彌寇洛陽軌遣北宮純張纂馬魴陰濬等率州軍擊破之又敗劉聰于河東京師歌之曰

涼州大馬橫行天下涼州鴟苕寇賊消鴟苕翩翩怖殺  
人

永嘉中長安謠

晉書張寔傳寔知劉曜逼遷天子大臨三日遣  
太府司馬韓璞滅寇將軍田齊撫戎將軍張閭  
前鋒督護陰預步騎一萬東赴國難乃璞次南  
安諸羌斷軍路相持百餘日糧竭矢盡會張閭  
率金城軍繼至夾擊大敗之斬級數千時焦崧  
陳安寇隴右東與劉曜相持雍秦之人死者十



八九初永嘉中長安謠曰

云

至是謠言驗矣

云

秦川中血沒腕惟有涼州倚柱觀

御覽卷四百六十六引異苑腕作腕觀作

看

### 涼州民謠

晉書張寔傳寔子駿年幼弟茂攝事茂傳茂雅有志節能斷大事涼州大姓賈摹寔之妻弟也

勢傾西土先是謠曰

云

茂以爲信誘而殺之

云

於是豪右跡屏威行涼州

手莫頭圖涼州

姑臧謠

晉書張茂傳劉曜遣其將劉咸攻韓璞於冀城  
呼延寔攻甯羌護軍陰鑒于桑壁臨洮人翟楷  
石琮等逐令長以縣應曜河西大震陳珍募發  
氏羌之衆擊曜走之尅復南安未幾茂復大城  
姑臧張駿傳初駿之立也姑臧謠曰云至是  
而復收河南之地

鴻從南來雀不驚誰謂孤鵝尾翅生高舉六翮鳳皇鳴

汜稱引諺

古謠諺

卷八

曼陀羅華閣

晉書涼後主李歆傳字士業元盛薨時府寮奉  
爲大都督大將軍涼公領涼州牧護羌校尉士  
業用刑頗嚴又繕築不止主簿汜稱上疏諫曰  
二年十一月狐上南門諺曰云今狐上南門  
亦災之大也

野獸入家主人將去

十六國春秋西涼錄獸作豕

令狐熾夢白頭公言

晉書涼後主李歆傳士業聞蒙遜南伐禿髮  
檀命中外戒嚴將攻張掖遂率步騎三萬東伐

次于都瀆澗蒙遜自浩豐來距戰於懷城爲蒙  
遜所敗勒衆復戰敗于蓼泉爲蒙遜所害士業  
之未敗也有敦煌父老令孤熾夢白頭公衣帽  
而謂熾曰云言訖忽然不見士業小字桐椎  
至是而亡

南風動吹長木胡桐椎不中轂

西州爲麴游二姓語

晉書麴允傳金城人也與游氏世爲豪族西州  
爲之語曰

麴與游牛羊不數頭南開朱門北望青樓

潘確類書卷八十六不數

作數千開朱

門作通朱閣

### 吳郡民爲鄧攸歌

晉書鄧攸傳元帝以攸爲太子中庶子時吳郡  
闕守人多欲之帝以授攸攸載米之郡俸祿無  
所受唯飲吳水而已在郡刑政清明百姓歡悅  
爲中興良守後稱疾去職百姓數千人留牽攸  
船不得進攸乃小停夜中發去吳人歌之曰云  
云百姓詣臺乞留一歲不聽

統如打五鼓鷄鳴天欲曙

潛確類書卷五十一鳴作呼

鄧侯拖不留

白帖卷七十七御覽卷二百六十一及潛確類書拖均作挽

謝令推不去

### 時人爲鄧攸語

晉書鄧攸傳永嘉末沒于石勒勒過泗水攸乃  
斫壞車以牛馬負妻子而逃又遇賊掠其牛馬  
步走擔其兒及其弟子綏度不能兩全乃謂其  
妻曰吾弟早亡唯有一息理不可絕止應自棄  
我兒耳幸而得存我後當有子妻泣而從之乃  
棄之其子朝棄而暮及明日攸繫之於樹而去

攸棄子之後妻不復孕卒以無嗣時人義而哀

之爲之語曰

云

弟子綏服攸喪三年

史臣論曰鄧攸

棄子存姪以義斷恩若力所不能自可割情忍痛何至預加徽纒絕其奔走者乎斯豈慈父仁人之所用心也卒以絕嗣宜哉勿謂天道無知此乃有知矣

天道無知使鄧伯道無兒

白帖卷十八潛確類書卷五十六天道作皇天無鄧字

時人爲汜氏號

晉書汜毓傳濟北盧人也弈世儒素敦睦九族

客居青州逮毓七世時人號其家

兒無常父衣無常主

魯褒引諺

晉書魯褒傳褒傷時人貪鄙乃隱姓名而著錢神論以刺之其略曰失之則貧弱得之則富昌不計優劣不論年紀賓客輻輳門常如市諺曰云云凡今之人惟錢而已

錢無耳可使鬼潛確類書卷九十三下句作可闇使御覽卷八百三十六引成公綏錢神論下句作何可闇使譚苑醍醐卷三引成公綏錢神論下句作鬼可使通俗編卷五云一本作有錢可使鬼祈嘉夜聞人呼語

晉書祈嘉傳白帖卷十作祈嘉情字孔賓酒泉人也少清



貧好學年二十餘夜忽牕中有聲呼曰云旦

而逃去西至敦煌遂西游海渚

祈孔賓祈孔賓

白帖祈孔賓二句作祈嘉覽卷五百三祈孔賓不作疊句

御

隱去來

隱去來

白帖御覽隱去來不作疊句

修飾人世

白帖世作間御覽同飾作節

甚苦

不可諧所得未毛銖

白帖未作如

所喪如山崖

### 佛圖澄吟

晉書佛圖澄傳石季龍大享羣臣於太武前殿

澄吟曰

云

季龍令發殿石下視之有棘生焉

冉閔小字棘奴

小名錄卷上諸石後爲冉閔減略盡

殷乎殷乎棘子成林將壞人衣

杜有道妻引諺

晉書杜有道妻嚴氏傳字憲京兆人也貞淑有識量子植爲南安太守植從兄預爲秦州刺史被誣徵還憲與預書戒之曰諺云

云

卿今可

謂辱矣能忍之公是卿坐預後果爲儀同三司忍辱至三公

苻堅妾引諺

晉書苻堅妾張氏傳明辯有才識堅將入寇江

左羣臣切諫不從張氏進曰以人事言之未見

其可諺言

云

云秋冬已來每夜羣犬大嗥衆雞

夜鳴伏聞廐馬驚逸武庫兵器有聲吉凶之理  
誠非微妾所論願陛下詳而思之堅曰軍旅之  
事非婦人所豫也遂興兵張氏請從堅果大敗  
於壽春張氏乃自殺

雞夜鳴者不利行師犬羣嗥者宮室必空兵動馬驚軍  
敗不歸

西州諺

晉書涼武昭王李元盛后尹氏傳元盛之創業也謀謨經略多所毗贊故西州諺曰

李尹王敦煌

時人爲王氏語

晉書王敦傳元帝召爲揚州刺史加廣武將軍尋進左將軍都督征討諸軍事假節帝初鎮江東威名未著敦與從弟導等同心翼戴以隆中興時人爲之語曰

王與馬共天下

熊甫爲王敦歌

晉書沈充傳敦引爲參軍充因進同郡錢鳳遂  
相朋構專弄威權初敦參軍熊甫見敦委任鳳  
將有異圖因此告歸臨與敦別因歌曰云敦  
知其諷已而不納

徂風颺起蓋山陵氛霧蔽日玉石焚往事旣去可長歎  
念別惆悵復會難

碧雞漫志卷一復會作會  
復鮑氏廷博云可一作有

桓元時童謠

晉書桓元傳害元顯于市登壇篡位元自篡盜

之後驕奢荒侈遊獵無度於是劉裕劉毅何無  
忌等共謀興復裕等斬桓修於京口斬桓宏於  
廣陵元南奔劉裕遣劉毅劉道規躡元誅元諸  
兄子與元戰於崢嶸洲元衆大潰達枚回洲益  
州督護馮遷抽刀而前遂斬之元與中衡陽有  
雌雞化爲雄八十日而冠萎具及元建國於楚  
衡陽屬焉自篡盜至敗時凡八旬矣其時有童

謠云

云

其凶兆符會如此郎君謂元顯也

長干巷巷長干今年殺郎君後年斬諸桓

宋志後年作明年

隴上爲陳安歌

晉書南陽王保傳都尉陳安馳歸隴城自號秦  
州刺史稱藩於劉曜劉曜載記陳安請朝曜以  
疾篤不許安怒且以曜爲死也遂大掠而歸西  
州氏羌悉從安安士馬雄盛自稱使持節大都  
督假黃鉞大將軍雍涼秦梁四州牧涼王太寧  
元年曜親征陳安圍安於隴城安率騎數百突  
圍而出乃南走陝中曜使其將軍平先邱中伯  
率勁騎追安頻戰敗之俘斬四百餘級安與壯

士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞬服左右馳射而走平先亦壯健絕人勇捷如飛與安搏戰三交奪其蛇矛而退會日暮雨甚安棄馬與左右五六人步踰山嶺匿於溪澗翌日尋之遂不知所在會連雨始霽輔威呼延清尋其徑迹斬安於澗曲曜大悅安善於撫接吉凶夷險與衆同之及其死隴上歌之曰

二云

曜聞而嘉傷命樂府歌之



隴上壯士有陳安

御覽卷三百五十三卷四百六十五引趙書作隴上健兒曰陳安卷三百

五十四引靈鬼志曰作志餘同

樂府詩集

軀幹雖小

腹中寬

御覽卷三百五十四引靈鬼志作頭小面狹腹中寬西溪叢話卷上中作寬

愛養將

士同心肝

御覽卷三百五十驍驍父馬鐵瑕鞍御覽卷三引趙書將作壯驍驍父馬鐵瑕鞍三百五

十三引趙書作驍驍馬鐵鏤鞍卷四百六十五作驍驍駿馬戲鍛鞍碧雞漫志卷一楊氏慎轉注古音略卷

五父作文瑕作鍛鮑氏廷博云文一作駿轉注古音略卷古音略驍作箭又云箭說文馬疾步也俗作驍非七尺

大刀奮如湍

御覽卷四百六十五引趙書奮如湍作配齊環鮑氏云一作一及大刀奮無端

丈八蛇矛左右盤

御覽卷三百五十四引靈鬼志蛇矛作長槊卷二百八十卷三百十二引

晉書及卷四百九十六引和苞漢趙記盤作槃

十邊十決無當前百騎俱出如

雲浮追者千萬騎悠悠

以上二句原本無今據御覽卷三百五十三卷四百六十五引

趙書補

戰始三交失蛇矛十騎俱盪九騎留

此句原本無今據御覽卷

三百五十三卷四百六十五引趙書補

棄我驕驄竄巖幽

御覽卷四百六十五引趙書作

奔我駉驄攀巖悲

天大降雨追者休

原本無今據御覽卷四百六十五引趙書補

爲

我外援而懸頭西流之水東流河一去不還奈子何鮑氏

云一作復奈何

御覽卷三百十

阿呼嗚呼奈子乎嗚

二西流二句作西流之水去不還

阿呼嗚呼奈子乎嗚

呼阿呼奈子何

以上二句原本無今據御覽卷四百六十五引趙書補

### 孫機爲劉曜歌

晉書劉曜載記石勒遣石季龍率衆四萬自軹

關西入伐曜曜盡中外精銳水陸赴之自衛關  
北濟追之及于高候大戰敗之季龍奔于朝歌  
曜遂濟自太陽攻石生于金墉決千金竭以灌  
之聞季龍進據石門續知勒自率大衆已濟曜  
色變陳于洛西搗陣就平勒將石堪因而乘之  
師遂大潰爲堪所執曜瘡甚勒載以馬輿使李  
永與同載北苑市三老孫機上禮求見曜勒許  
之機進酒于曜曰云曜曰何以健邪當爲翁  
飲勒聞之悽然改容曰亡國之人足令老叟數

之

僕谷王關右稱帝皇當持重保土疆輕用兵敗洛陽祚  
運窮天所亡開大分持一觴

隴右民謠

晉書苻洪載記略陽臨渭氏人也父懷歸部落  
小帥先是隴右大雨百姓苦之謠曰云故因

名曰洪

雨若不止洪水必起

長安民謠

晉書苻生載記初生夢大魚食蒲又長安謠曰

云

東海苻堅封也時爲龍驤將軍第在洛門

之東生不知是堅以謠夢之故誅其侍中太師  
錄尙書事魚遵及其七子十孫生夜對侍婢曰  
阿法兄弟亦不可信明當除之是夜清河王苻  
法夢神告之曰旦將禍集汝門惟先覺者可以  
免之寤而心悸會侍婢來告乃與特進梁平老  
強注等率壯士數百人潛入雲龍門堅衆繼至  
引生置於別室廢之爲越王俄而殺之

東海大魚化爲龍

御覽卷四百六十五引前秦錄龍男上有白字卷九百二十九爲作男

便爲王女爲公

十六國春秋前秦錄王作主

問在何所洛門東

御覽卷九

百二十九門作城

### 又長安民謠

晉書苻生載記時又謠曰

云

於是悉壞諸空

城以禳之既自有目疾其所諱者不足不具少  
無缺傷殘毀偏隻之言皆不得道左右忤旨而  
死者不可勝紀

百里望空城鬱鬱何青青瞎兒不知法仰不見天星

苻堅引諺

晉書苻堅載記堅僭位五年鳳皇集於東闕大赦其境內百寮進位一級初堅之將爲赦也與王猛苻融密議於露堂悉屏左右堅親爲赦文猛融供進紙墨有一大蒼蠅入自牖間鳴聲甚大集於筆端驅而復來俄而長安街巷市里人相告曰官今大赦有司以聞堅驚謂融猛曰禁中無耳屬之理事何從泄也於是敕外窮推之咸言有一小人衣黑衣大呼於市曰官今大赦

須臾不見堅歎曰其向蒼蠅乎聲狀非常吾固

惡之諺曰云聲無細而弗聞事未形而必彰

者其此之謂也

欲人勿知莫若勿爲全唐文卷一百四十魏徵理獄聽諫疏兩勿字均作不欲人

不聞莫若不言原本無今據全唐文補

苻堅引諺論桓溫

晉書苻堅載記堅聞桓溫廢海西公也謂羣臣

曰溫前敗灞上後敗枋頭十五年間再傾國師

六十歲公舉動如此不能思愆免退以謝百姓



方廢君以自悅將如四海何諺云

云

者其桓

溫之謂乎

怒其室而作色于父

十六國春秋前秦錄父下有母字

長安民爲苻堅歌

晉書苻堅載記自永嘉之亂庠序無聞及堅之  
僭頗留心儒學王猛整齊風俗政理稱舉學校  
漸興關隴清晏百姓豐樂自長安至于諸州皆  
夾路樹槐柳二十里一亭四十里一驛旅行者  
取給于途工商貿販于道百姓歌之曰

御覽卷四百六

十五引前秦錄作百姓爲王猛歌潛確類書卷一百一引晉書作關隴人歌

長安大街夾樹楊槐

御覽卷九百一十六引車頻晉書夾樹楊槐作兩邊種槐

卷九百

五十四引晉

書樹作路下走朱輪上有鸞栖英彥雲集誨我萌黎

御覽卷四百六十五

引前秦錄萌作人

### 慕容垂引諺

晉書苻堅載記堅南游灞上從容謂羣臣曰今

天下垂平惟東南未殄豈敢優游卒歲不建大

同之業朝廷內外皆言不可吾實未解所由冠

軍慕容垂言於堅曰詩云築室于道謀是用不

潰于成陛下內斷神謀足矣不煩廣訪朝臣以  
亂聖慮諺云云時已至矣其可已乎堅大悅  
曰與吾定天下者其惟卿耳賜帛五百匹

憑天俟時

苻堅時民諺

晉書苻堅載記遣征南苻融冠軍慕容垂爲前  
鋒堅至項城融等攻陷壽春垂攻陷項城晉遣  
都督謝石徐州刺史謝元等相繼距融融乃馳  
使白堅堅大悅恐石等遁也捨大軍於項城以

輕騎八千兼道赴之列陣逼肥水王師不得渡  
融於是麾軍卻陣欲因其濟水覆而取之軍遂  
奔退制之不可止融馳騎略陣馬倒被殺軍遂  
大敗初諺言云羣臣勸堅停項爲六軍聲鎮  
堅不從故敗

堅不出項

長安爲慕容沖歌

晉書苻堅載記慕容暉弟燕故濟北王泓起兵  
於外平陽太守慕容沖奔於泓軍泓謀臣高蓋

宿勤崇等以泓德望後沖且持法苛峻乃殺泓  
立沖爲皇太弟沖遂據阿房城初堅之滅燕沖  
姊爲清河公主年十四有殊色堅納之寵冠後  
庭沖年十二亦有龍陽之姿堅又幸之姊弟專  
寵宮人莫進長安歌之曰云咸懼爲亂王猛  
切諫堅乃出沖

一雌復一雄雙飛入紫宮

北史燕慕容氏傳無復字  
御覽卷五百七十引十六國

春秋復  
作與

按御覽卷五百七十引漢書曰李延年善歌帝幸之

時人語曰云云與此條全同未知漢書本有是歌而符秦人襲之歟抑或御覽兼引漢書晉書而刊本有譌脫歟俟考

長安爲鳳凰謠

晉書苻堅載記長安又謠曰

云

堅以鳳凰非

梧桐不栖非竹實不食乃植桐竹數十萬株於阿房城以待之沖小字鳳凰至是終爲堅賊入

止阿房城焉

鳳凰鳳凰止阿房

白帖卷九十四鳳凰不作疊句

關東謠

晉書苻堅載記苻丕在鄴糧竭慕容垂復圍鄴城鄴中飢甚多奔中山幽冀人相食初關東謠

曰云

云 缺垂之本名與丕相持經年百姓死幾

絕

慕容垂載記垂少好畋游因獵墜馬折齒慕容儁僭卽王位改名缺外以慕容卻缺爲名內

實惡而改之尋以識記之文乃去夬以垂爲名焉

幽州缺生當滅若不滅百姓絕

十六國春秋前秦錄生作丕

長安民謠

晉書苻堅載記時長安大飢堅與沖戰各有勝

負城中有書曰古苻傅賈錄載帝出五將久長

得先是又謠曰

云

堅大信之告其太子宏曰

脫如此言天或奪予今留汝兼總戎政朕當出隴收兵運糧以給汝於是率騎數百出如五將堅至五將山姚萇遣將軍吳忠圍之執堅以歸新平萇乃縊堅於新平佛寺中

堅入五將山長得

御覽卷四十四引十六國春秋山作久

### 長安民語

晉書苻堅載記慕容沖入據長安初秦之未亂



也關中土然無火而烟氣大起方數十里中月  
餘不滅堅每臨聽訟觀令百姓有怨者舉烟於  
城北觀而錄之長安爲之語曰

欲得必存當舉烟

又長安民謠

晉書苻堅載記又爲謠曰

云

秦人呼鮮卑爲

白虜慕容垂之起於關東歲在癸未

長鞘馬鞭擊左股太歲南行當復虜

御覽卷三百五十九引前秦錄復作

避

趙整援琴歌

晉書苻堅載記堅之分氏戶於諸鎮也趙整因

侍援琴而歌曰

云

堅笑而不納至是整言驗

矣

阿得脂阿得脂

御覽卷九百二十三  
阿得脂不作叠句

博勞舊父是仇綏

御覽舊  
作鼠

尾長翼短不能飛遠徙種人留鮮卑一旦緩急

語阿誰

西海民謠

晉書呂光載記初光徙西海郡人於諸郡至是

謠曰

云

頃之遂相扇動復徙之於西河樂都

朔馬心何悲念舊中心勞燕雀何徘徊意欲還故巢

### 後燕民謠

晉書慕容熙載記立其貴嬪苻氏爲皇后苻氏  
死熙被髮徒跣步從苻氏喪輓車高大毀北門  
而出衛中將軍馮跋左衛將軍張興先皆坐事  
亡奔以熙政之虐也與跋從兄萬泥等結盟推  
慕容雲爲主閉門距守熙乃收髮貫甲馳還赴  
難夜至龍城攻北門不剋遂敗走入龍騰苑微

服隱于林中爲人所執雲得而弑之初童謠曰

云

云 藁字上有艸下有禾兩頭然則禾艸俱盡

而成高字雲父名拔小字禿頭三子而雲季也  
熙竟爲雲所滅如謠言焉慕容雲載記寶之養  
子也祖父高和句驪之支庶自云高陽氏之苗  
裔故以高爲氏焉

一束藁兩頭然禿頭小兒來滅燕

慕容德時民謠

晉書慕容德載記寶旣嗣位以德爲使持節都

督冀充青徐荆豫六州諸軍事特進車騎大將軍冀州牧領南蠻校尉鎮鄴魏將拓拔章攻鄴德遣其參軍劉藻請救於姚興時魏師入中山慕容寶出奔于薊慕容詳又僭號會劉藻自姚興而至興太史令高魯遣其甥王景暉隨藻送玉璽一紐并圖讖祕文曰有德者昌無德者亡德受天命柔而復剛又有謠曰

云

於是德之

羣臣議以慕容詳僭號中山魏師盛于冀州未審寶之存亡因勸德卽尊號

大風蓬勃揚塵埃八井三万卒起來四海鼎沸中山頽  
惟有德人據三臺

姚興引諺

晉書慕容超載記奔于呂光及呂隆降于姚興  
超又隨涼州人徙于長安超自以諸父在東恐  
爲姚氏所錄乃陽狂行乞秦人賤之惟姚紹見  
而異焉勸興拘以爵位召見與語超深自晦匿  
興大鄙之謂紹曰諺云  
來無禁

云妄語耳由是得去

妍皮不裏癡骨

南燕人爲公孫五樓語

晉書慕容超載記時公孫五樓爲侍中尙書領  
左衛將軍專總朝政尙書都令史王儼諂事五  
樓遷尙書郎出爲濟南太守入爲尙書左丞時  
人爲之語曰

欲得侯事五樓

晉惠帝時洛陽童謠

晉書逸文

據樂府詩集卷八十八

惠帝時洛陽童謠明年

而胡賊石勒劉曜友

鄴中女子莫千妖前至三月抱胡腰

王敦將滅時童謠

晉書逸文

據御覽卷九百七十六

溫嶠滅王敦先是童謠

曰云

云以爲賊如萑柳尋得復生也

剪萑剪萑斷楊柳河東小子令我與子

襄國童謠

晉書逸文

據御覽卷一百六十一

初童謠云

云

古在左

月在右胡字也讓去言爲襄也或入口爲國也



尋爲石勒所都

古在左月在右讓去言或入口

十六國春秋後趙錄古作革月作力

趙整琴歌

晉書逸文

據樂府詩集卷六十

苻堅末年怠於爲政趙整

援琴作歌二章以諷

昔聞明津河千里作一曲此水本自清是誰亂使濁

御覽


卷五百七十七引前秦錄明作盟本自作自本

此園有棗樹布葉垂重陰外雖多棘刺內實有赤心

古謠諺卷八終

古謠諺卷九

秀水杜文瀾輯



時人爲丁旼語

宋書武帝紀建興復之計瑯琊諸葛長民同義  
謀義熙八年九月以諸葛長民監太尉留府事  
九年二月乙丑公自至江陵初劉毅旣誅長民  
謂所親曰昔年醢彭越今年誅韓信禍其至矣  
將謀作亂旣而公輕舟密至已還東府矣長民  
到門引前卻人閑語凡平生於長民所不盡者

皆與及之長民甚悅已密命左右壯士丁旡等  
自幔後出於坐拉焉長民墜牀又於地歐之死  
於牀側輿尸付廷尉并誅其弟黎民旡驍勇有  
氣力時人爲之語曰

按南史宋武帝紀長民作  
長人黎民作黎人皆避唐

諱

勿跋扈付丁旡

讀曲歌

宋書樂志讀曲歌者民間爲彭城王義康所作

也其歌云

云是也

死舉劉領軍誤殺劉第四按義康乃宋高祖第四子劉湛官領軍將軍義康獲咎於文帝湛所誤也

元嘉中謠言

宋書符瑞志元嘉中謠言云乃於錢唐置戍

軍以防之其後孝武帝卽大位於新亭寺之禪堂禪之與錢音相近也

錢唐當出天子

永光初謠言

宋書符瑞志前廢帝永光初又謠前廢帝紀謠作訛言

云

云

幼主欲南幸湘川以厭之既而湘東王卽

尊位是爲明帝

湘州出天子

御覽卷二百二十人州作中

民間爲謝靈運謠

宋書五行志一陳郡謝靈運有逸才每出入自

扶接者常數人民間謠曰

云

是也此蓋不肅

之咎後坐誅

四人挈衣裙三人捉坐席

晉時吳中爲庾羲王洽謠

宋書五行志二庾義在吳郡吳中童謠曰

二云

無幾而庾義王洽相繼亡

甯食下湖苻不食上湖蓴庾吳沒命喪復殺王領軍

晉桓元篡時民謠語

宋書五行志二桓元時民謠語云

二云

征鐘至

穢之服桓四體之下稱元自下居上猶征鐘之  
厠歌謠下體之詠民口也而云落地墜地之祥  
迸走之言其驗明矣

征鐘落地桓迸走

京邑爲何勗孟靈休語

宋書徐湛之傳時安成公何勗无忌之子也臨汝公孟靈休昶之子也並各奢豪與湛之共以肴膳器服車馬相尙京邑爲之語曰

云

湛之

二事之美兼於何孟

安成食臨汝飾

顏延之引嘯

宋書顏延之傳閑居無事爲庭誥之文曰富厚貧薄事之懸也嘯曰

云

矣貧之病也不惟形

云

色麤麤或亦神心沮廢豈但交友疎棄必有家  
人誚讓非廉深識遠者何能不移其植

富則盛貧則病

臧質引童謠

宋書臧質傳拓跋燾自廣陵北返便悉力攻盱  
眙各嚴兵自衛水陸路並斷燾與質書質答書

曰不聞童謠言邪

云

云此期未至以二軍開飲

江之徑爾冥期使然非復人事頃年展爾陸梁  
者是爾未飲江太歲未卯年故爾



虜馬飲江水佛狸死卯年

魏童謠

宋書臧質傳是時虜中童謠曰

云

云故質答引

燾大怒乃作鐵牀於其上施鐵鑊云破城得質

當坐之此上

韜車北來如穿雉不意虜馬飲江水虜主北歸石濟死  
虜欲渡江天不從

時人爲顏竣謝莊語

宋書顏竣傳孝建元年轉吏部尙書領驍騎將

軍畱心選舉自彊不息任遇旣隆奏無不可其  
後謝莊代竣領選意多不行竣容貌嚴毅莊風  
姿甚美賓客喧謔常歡笑答之時人爲之語曰  
顏竣嗔而與人官謝莊笑而不與人官  
百八十五引談藪  
竣莊均作吏部  
南史竣傳嗔作  
瞋廣記卷一

南豫州軍士爲王元謨宗越語

宋書王元謨傳爲左光祿大夫開府儀同三司  
領護軍遷南豫州刺史加都督元謨性嚴尅少  
恩而將軍宗越御下更苛酷軍士謂之語曰

寧作五年徒莫逢王元謨

宗越傳及南史宗越傳御覽卷四百九十二四百九十五

莫逢作

不逐

元謨猶自可宗越更殺我

宗越傳猶自作尙無更字南史宗越傳自

作尙

御覽卷四百九

十二猶

自作尙無更字

民間爲奚顯度謠

宋書戴明寶傳又有奚顯度者南東海剡人也

官至員外散騎侍郎世祖常使主領人功而苛

虐無道動加捶撲暑雨寒雪不聽暫休人不堪

命或有自經死者人役聞配顯度如就刑戮時

建康縣考囚或用方材壓額及踝脛民間謠曰

云

又相戲曰

云

其酷暴如此

甯得建康壓額

南史戴法興傳額作額

不能受奚度拍

勿反顧付奚度

虜中謠言

宋書索虜傳索頭虜姓拓跋氏燾字佛狸先是

虜中謠言

云

燾甚惡之二十三年北地瀘水

人蓋吳年二十九於杏城天台舉兵反虜諸戎

夷普並響應有衆十餘萬燾聞吳反惡其名累

遣軍擊之輒敗

滅虜者吳也

京師爲東安鬪場二寺僧語

宋書天竺國傳又有慧嚴慧議道人並在東安寺學行精整爲道俗所推時鬪場寺多禪僧京師爲之語曰

鬪場禪師窟東安談義林

晉世杯槃歌

南齊書樂志齊世昌辭

云

右一曲晉杯槃歌

十解第三解云

云

干寶云大康中有此舞杯

槃翻覆至危之像言晉世之士苟貪飲食智不

及遠

按干語止此

第一解首句云晉世寧宋改爲宋

世寧惡其杯槃翻覆辭不復取齊改爲齊世眉

餘辭同

舞杯槃何翩翩舉坐翻復壽萬年

第三解

齊世昌四海安樂齊太平人命長當結久千秋萬歲皆

老壽

第十解

吳黃龍中童謠

南齊書樂志尙書令王儉造白紵歌周處風土

記云吳黃龍中童謠

云

後孫權征公孫淵浮

海乘船舶白也今歌和聲猶云行白紵焉

行白者君追汝句驪馬

宋泰始中童謠

南齊書符瑞志宋泰始中童謠

南史齊高帝紀引作訛言云

云

故明帝殺建安王休仁蘇侃云後順帝自

東城卽位論者謂應之乃是武進縣上所居東

城里也

東城出天子

南史作東城天子出

朱元徽中童謠

南齊書五行志元徽中童謠曰

云

後沈攸之

反雍州刺史張敬兒襲江陵殺沈攸之子元琰  
等

襄陽白銅蹄郎殺荊州兒

永明初百姓歌

南齊書五行志永明初百姓歌曰

云

後句間

云

云

白者金色馬者兵事三年妖賊唐寓之

起言唐來勞也



白馬向城啼欲得城邊草 陶郎來

永明中虜中童謠

南齊書五行志永明中虜中童謠云

云

尋而

京師人家忽生火赤於常火熱小微貴賤爭取  
以治病法以此火灸桃板七炷七日皆瘥敕禁  
之不能斷京師有病瘳者以火灸數日而差鄰  
人笑曰病偶自差豈火能爲此人便覺頃間瘳  
明日瘳還如故後梁以火德興

黑水流北赤火入齊

案南史齊武帝紀亦載此事而其語不同今兩載之

永元元年童謠

南齊書五行志永元元年童謠曰

云

千里流

者江柘也東城遙光也遙光夜舉事垣厯生者  
烏皮袴褶奔往之跛腳亦遙光老姥子孝字之  
象徐孝嗣也

洋洋千里流流嬰東城頭烏馬烏皮袴三更告訴腳  
跛不得起誤殺老姥子

永元中童謠

南齊書五行志永元中童謠云

云

識者解云

陳顯達屬豬崔慧景屬馬非也東昏侯屬豬馬  
子未詳梁王屬龍蕭穎胄屬虎崔慧景攻臺頓  
廣木莫死時年六十三烏集傳舍卽所謂瞻烏  
爰止于誰之屋三八二十四起建元元年至中  
興二年二十四年也摧折景陽樓亦高臺傾之  
意也言天下將去乃得休息也

野豬雖嗥嗥馬子空閭渠不知龍與虎飲食江南墟七  
九六十三廣莫人無餘烏集傳舍頭今汝得寬休但看

三八後摧折景陽樓

時人爲桓康語

南齊書桓康傳太祖誅黃回回時將爲南兖州  
部曲數千欲收恐爲亂召入東府停外齋使康  
將數十人數回罪然後殺之時人爲之語曰

欲俯張問桓康

荀伯玉聞青衣小兒語

南齊書荀伯玉傳初太祖在淮南伯玉假還廣  
陵夢上廣陵城南樓上有二青衣小兒語伯玉

云云伯玉視城下人頭皆有草元徽五年而

廢蒼梧

草中肅九五相追逐

時人爲荀伯玉語

南齊書荀伯玉傳世祖在東宮專斷用事頗不  
如法伯玉謂親人曰太子所爲官終不知豈得  
顧死蔽官耳目我不啟聞誰應啟者因世祖拜  
陵後密啟之上大怒檢校東宮世祖憂懼上嘉  
伯玉盡心愈見親信軍國密事多委使之時人

爲之語曰云世祖深怨伯玉永明元年垣崇

祖誅伯玉并伏法

十敕五令不如荀伯玉命

南史伯玉傳作千敕萬令不如荀公一命

時人爲王延之王僧虔語

南齊書王延之傳昇明二年轉左僕射宋德既

衰太祖輔政朝野之情人懷彼此延之與尙書

令王僧虔中立無所去就時人爲之語曰云

太祖以此善之

二王持平

南史延之傳持作居不送不迎

時人爲蕭晃語

南齊書長沙威王晃傳太祖第四子也宋昇明  
二年代兄映爲寧朔將軍淮南宣城二郡太守  
初沈攸之事起晃便弓馬多從武容燠赫都街  
時人爲之語曰

煥煥蕭四繖

顧憲之引俗諺

南齊書顧憲之傳永明六年爲隨王東中郎長  
史行會稽郡事時西陵戍主杜元懿啟吳興無

秋會稽豐登商旅往來倍多常歲西陵牛埭稅  
官格日三千五百元懿如卽所見日可一倍盈  
縮相兼略計年長百萬世祖敕示會稽郡憲之  
議曰案吳興頻歲失稔今茲尤饑去之從豐良  
由饑棘或徵貨買粒還拯親累或攜老弱陳力  
餬口埭司責稅依格弗降舊格新減尙未議登  
格外加倍將以何術又永興諸暨離唐寓之寇  
擾公私殘盡復特彌甚儻水旱實不易念俗諺

云

云

會稽舊稱沃壤今猶若此吳興本是瘠



土事在可知因循餘弊誠宜改張世祖竝從之  
會稽打鼓送卹吳興步擔令史

時人爲劉繪語

南齊書劉繪傳永明末京邑人士盛爲文章談  
義皆倣竟陵王西邸繪爲後進領袖機悟多能  
時張融周顒並有言工融音旨緩韻顒辭致綺  
捷繪之言吐又頓挫有風氣時人爲之語曰

云言在二家之中也

劉繪貼宅別開一門

按南史劉繪傳亦載此事而其語不同今兩載之

卞彬引諺

南齊書卞彬傳作蚤虱賦序曰余貧居布衣十年不制一袍之縕蚤虱猥流虱有諺言云若

吾之虱者孫孫息息三十五歲焉

朝生暮孫

時人爲張氏語

梁書張稷傳吳郡人也性疎率朗悟有才略與族兄充融卷等俱知名時稱之曰

充融卷稷是爲四張

南史稷傳無是字

王足引北方童謠

梁書康絢傳天監十三年遷太子右衛率時魏降人王足陳計求堰淮水以灌壽陽足引北方

童謠曰

云

云

高祖以爲然假絢節都督淮上諸

軍事并護堰作人及戰士有衆二十萬於鍾離南起浮山北抵巉石依岸以築土合脊於中流十四年堰將合淮漂疾輒復決潰衆患之十五年四月堰乃成

荆山爲上格浮山爲下格潼沱爲激溝

御覽卷二百二十一沱作江

併灌鉅野澤

荊州民爲始興王憺歌

梁書始興忠武王憺傳和帝立以憺爲給事黃  
門侍郎明年春和帝將發江陵詔以憺爲使持  
節都督荆湘益寧南北秦六州諸軍事平西將  
軍荊州刺史未拜天監元年加安西將軍都督  
刺史如故封始興郡王食邑三千戶憺厲精爲  
治廣闢屯田減省力役曹無畱事下無滯獄民

益悅焉六年州大水江溢堤壞愴親率府將吏  
冒雨賦丈尺築治之雨甚水壯衆皆恐或請愴  
避焉愴曰王尊尙欲身塞河堤我獨何心以免  
乃刑白馬祭江神俄而水退堤立邠州在南岸  
數百家見水長驚走登屋緣樹愴募人救之一  
口賞一萬估客數十人應募救焉州民乃以免  
又分遣行諸郡遭水死者給棺槨失田者與糧  
種七年詔徵以本號還朝民爲之歌曰

始興王民之爹

徒可反 南史愴傳民作人又云荆土方言謂父爲爹故云

赴人急

如水火何時復來哺乳我

時人爲張融陸杲語

梁書陸杲傳吳郡吳人少好學工書畫舅張融  
有高名杲風韻舉動頗類於融時稱之曰

無對日下惟舅與甥

鄱陽民爲陸襄歌

梁書陸襄傳大通七年出爲鄱陽內史先是郡  
民鮮于琛服食修道大同元年遂結其門徒殺  
廣晉令王筠號土願元年署置官屬其黨轉相

誑惑有衆萬餘人將出攻郡襄先已帥民吏修城隍爲備禦及賊至連戰破之生獲琛餘衆逃散時鄰郡豫章安成等守宰案治黨與因求賄貨皆不得其實或有善人盡室離禍惟襄郡部枉直無濫民作歌曰

鮮于平後善惡分民無枉死賴有陸君

南史襄傳平作抄枉作橫無有

鄱陽民又爲陸襄歌

梁書陸襄傳又有彭李二家先因忿爭遂相誣

告襄引入內室不加責誚但和言解喻之二人  
感恩深自咎悔乃爲設酒食令其盡歡酒罷同  
載而還因相親厚民又歌曰

陸君政無怨家鬪旣罷讎共車

豫州民爲夏侯兄弟歌

梁書夏侯亶傳普通七年詔以壽陽依前代置  
豫州合肥鎮改爲南豫州以亶爲使持節都督  
豫州緣淮南豫霍義定五州諸軍事雲麾將軍  
豫南豫二州刺史壽春久離兵荒百姓多流散



亶輕刑薄賦務農省役頃之民戶充復夏侯夔  
傳亶弟也中大通二年起夔爲雲麾將軍隨機  
北討尋授使持節督南豫州諸軍事南豫州刺  
史六年轉使持節督豫淮陳潁建霍義七州諸  
軍事豫州刺史豫州積歲寇戎人頗失業夔乃  
帥軍人於蒼陵立堰溉田千餘頃歲收穀百餘  
萬石以充儲備兼贍貧人境內賴之夔兄亶先  
經此任至是夔又居焉兄弟並有恩惠於鄉里  
百姓歌之曰

我之有州頻仍夏侯

南史置傳仍作得 白帖卷七十

詩集卷八十六廣博物志卷十七

頻仍作賴彼前兄後弟布政優優

### 洛陽童謠

梁書陳慶之傳大通初魏北海王元顥以本朝  
大亂自拔來降求立爲魏王高祖納之以慶之  
爲假節驍勇將軍送元顥還北顥於渙水卽魏  
帝號授慶之使持節鎮北將軍護軍前軍大都  
督發自絳縣進拔滎城遂至睢陽仍趣大冢以  
滎陽儲實進赴武牢顥入洛陽宮御前殿改元

大赦顗以慶之爲侍中車騎大將軍左光祿大  
夫增邑萬戶高祖復賜手詔稱美焉慶之麾下  
悉著白袍所向披靡先是洛陽童謠曰云自  
發銍縣至于洛陽十四旬平三十二城四十七  
戰所向無前

名師大將莫自牢

南史慶之傳師作軍

千兵萬馬避白袍

時人爲王謝二姓語

梁書王筠傳筠幼警寤七歲能屬文年十六爲  
芍藥賦甚美及長清靜好學與從兄泰齊名陳

郡謝覽覽弟舉亦有重譽時人爲之語曰

云云

炬是泰養卽筠竝小字也謝舉傳中書令覽之

弟也幼好學能清言與覽齊名世人爲之語曰

云

養炬王筠王泰小字也

南史王泰傳沈約常曰云云養泰小

字炬筠

小字也

謝有覽舉王有養炬

小名錄卷下炬作矩王有句在謝有句上

省中爲賀琛語

梁書賀琛傳改爲通直散騎常侍領尚書左丞

並參禮儀事琛前後居職凡郊廟諸儀多所創

定每見高祖與語常移晷刻故省中爲之語曰

云

琛容止都雅故時人呼之

云

上殿不下有賀雅

時人爲何子朗語

梁書何思澄傳東海郟人初思澄與宗人遜及

子朗俱擅文名時人語曰

云

思澄聞之曰此

言誤耳如其不然故當歸遜思澄意謂宜在已

也

東海三何子朗最多

顏氏家訓勉學篇東海作梁有

時人又爲何子朗語

梁書何思澄傳子朗字世明早有才思工清言  
周捨每與共談服其精理嘗爲敗家賦擬莊周  
馬捶其文甚工時人語曰

人中爽爽何子朗

南史思澄傳何作有

山陰民爲邱仲孚謠

梁書邱仲孚傳遷山陰令居職甚有聲稱百姓

爲之謠曰

云

云前世傳琰父子沈憲劉元明相

繼宰山陰竝有政績言仲孚皆過之也

二傳沈劉不如一邱

普通中童謠

梁書侯景傳景既據壽春遂懷反叛又啟求錦  
萬匹領軍朱異議送青布以給之景得布悉用  
爲袍衫因尙青色普通中童謠曰

云

後景果

乘白馬兵皆青衣所乘馬每戰將勝輒躑躅嘶

鳴意氣駿逸其奔軋必低頭不前

南史景傳普通作大同又

云景乘白馬青絲爲轡以應謠  
亦作大同又云景破丹陽乘白馬以青絲爲羈勒

青絲白馬壽陽來

楊白花歌

梁書逸文

據樂府詩集卷七十三

楊華武都仇池人也少

有勇力容貌雄偉魏胡太后逼通之華懼及禍乃率其部曲來降胡太后追思之不能已爲作

楊白花歌辭使宮人晝夜連臂踏足歌之聲甚

悽惋

郭氏茂倩云南史曰楊華本名白花奔梁後名華魏名將大眼之子也按原文悽

惋下似當有其詞曰

三字郭氏節引耳

陽春二三月楊柳齊作花春風一夜入閨闔楊花飄蕩



落南家含情出戶腳無力拾得楊花淚沾臆秋去春來  
雙燕子願銜楊花入窠裏

時人爲張氏語

陳書張種傳種少恬靜居處雅正不妄交遊傍

無造請時人爲之語曰

宋稱敷演

宋書張邵傳子敷演敬有名於世張敷傳性整貴風韻甚高好元言善屬文

梁則

卷充

梁書張稷傳與族兄充融卷俱知名卷字令遠少以知理著稱能清言張充傳多所該覽尤明老易

能清言

清虛學尙種有其風

古謠諺卷九終